



Scanlan: Srebrenica je živi spomenik koji treba posjećivati tokom cijele godine

Prvi zamjenik visokog predstavnika Michael Scanlan danas je posjetio Memorijalni centar Srebrenica-Potočari te odao počast žrtvama srebreničkog genocida.

Tokom posjete, prvi zamjenik Scanlan susreo se sa predstavnicima udruženja porodica žrtava, koji su ga informirali o bitnim pitanjima s kojima se susreću preživjeli i njihove porodice. Prvi zamjenik visokog predstavnika je zaključio: „Žrtve genocida i njihove porodice zaslužuju naše najviše poštovanje. Ova tragedija se nikada ne smije zaboraviti. Ona treba služiti kao podsjetnik i upozorenje mlađim generacijama – da grade bolju, inkluzivniju i brižniju budućnost.“

Također je obišao Memorijalni centar i izložbe zajedno sa direktorom Mersedom Smajlovićem. Scanlan je prokomentirao da je bitno da se ovo mjesto ne posjećuje samo 11. jula, budući da je ovo živi spomenik čija je uloga važna tokom cijele godine.